

nicht vmb ein taube Nuss zuthun / Sondern
vmb die aller höchsten / wichtigsten sachen / da
der ganzen Kirchen vnd allen Christen zum
höchsten an gelegen / Vmb verleugung vnd ab-
fall von Christo / Vmb Abgötterey vnd heu-
chelen / Vmb verfälschung der lehre in den aller
höchsten Artickeln.

So sind wir damit auch nicht gegründet
auff vernunft / auff Philosophiam / auff men-
schliche weisheit / mit iren flugen volgen / Son-
dern auff das gewis / offenbart / klare Göttlich
wort / vnd auff ihrer / der itzigen vnser wider-
wertigen / darin eignen / vorigen gemeinen Con-
sens. **B**eweisen itzige ire widerwertigkeit
auch nicht aus argwon / nicht aus vergeblich-
em geschrey / nicht aus trewen / nicht aus ge-
stolenen / oder sonst veratenen heimlichkeiten /
sondern aus den öffentlichen ihren eignen han-
dlungen / schriften vnd thaten.

Vnd wie wir da nichts selb auff sie tich-
ten / also deuten wir inē auch nichts gefertlichs /
wider ire selb eigne meinung / Ist beyde diesel-
be ire

S u

be ire